

2014  
წელი

16-31 ივლისი

№14  
(9341)

# პეფსმთი

ბაჭყალი გამომცემი

1923 წლის

1 მაისიდან

ფასი

40 თეთრი

სენაკის მუნიციპალიტეტის თავისუფალი ბაჭყალი

## მუნიციპალიტეტის ამბები

### 2014 წლის 15 ივნისს არჩეულ სენაკის მუნიციპალიტეტის საკრებულოს წევრთა სია:

- კობა კილახონია - „ნინო ბურჯანაძე - ერთიანი ოპოზიცია“;
- დინარა ხუხუა - „ნინო ბურჯანაძე - ერთიანი ოპოზიცია“;
- ლაშა კუჭავა - „ერთიანი ნაციონალური მოძრაობა“;
- ბორისი სოსელია - „ერთიანი ნაციონალური მოძრაობა“;
- ინგა ქარდავა - „ერთიანი ნაციონალური მოძრაობა“;
- ხეჩია სანაია - „ერთიანი ნაციონალური მოძრაობა“;
- თამაზი ბოჯგუა - „შალვა ნათელაშვილი საქართველოს ლეიბორისტული პარტია“;
- დამირი კუჭავა - „ქართული ოცნება“;
- ბადრი ხურცია - „ქართული ოცნება“;
- რევაზი საჯაია - „ქართული ოცნება“;
- ბადრი კალანდარიშვილი - „ქართული ოცნება“;
- ჯუმბერი ლაშქარავა - „ქართული ოცნება“;
- ნატალია ხუბუა - „ქართული ოცნება“;
- ნანა ალანია - „ქართული ოცნება“;
- გიორგი გაბედავა - „ქართული ოცნება“;
- ხეჩია ჟიჟარია - „ქართული ოცნება“ (მაჟორიტარული საარჩევნო სისტემით);
- სულხანი ხუნწარია - „ქართული ოცნება“ (მაჟორიტარული საარჩევნო სისტემით);
- დავით გვარამია - „ქართული ოცნება“ (მაჟორიტარული საარჩევნო სისტემით);
- ბიძინა ტაბაღაძე - „ქართული ოცნება“ (მაჟორიტარული საარჩევნო სისტემით);
- ზურაბი აფაქიძე - „დამოუკიდებელი“ (მაჟორიტარული საარჩევნო სისტემით);
- ელისი ცაგურია - „დამოუკიდებელი“ (მაჟორიტარული საარჩევნო სისტემით);
- ლიმორა არდია - „დამოუკიდებელი“ (მაჟორიტარული საარჩევნო სისტემით);
- გენადი ხუხუნი - „ქართული ოცნება“ (მაჟორიტარული საარჩევნო სისტემით);
- ალბერტი ხარბელია - „ქართული ოცნება“ (მაჟორიტარული საარჩევნო სისტემით);
- ბესიკი ნარმანია - „ქართული ოცნება“ (მაჟორიტარული საარჩევნო სისტემით);
- ბესიკი ბესელია - „ქართული ოცნება“ (მაჟორიტარული საარჩევნო სისტემით);
- ლევანი გაბედავა - „დამოუკიდებელი“ (მაჟორიტარული საარჩევნო სისტემით);
- კახაბერი რუსია - „ქართული ოცნება“ (მაჟორიტარული საარჩევნო სისტემით);
- დავითი ხუხია - დამოუკიდებელი (მაჟორიტარული საარჩევნო სისტემით);
- ნუკრი მირგაბია - „ქართული ოცნება“ (მაჟორიტარული საარჩევნო სისტემით).

## საკრებულოს სხდომა

2014 წლის 14 ივლისს სენაკის მუნიციპალიტეტის საკრებულოს სხდომათა დარბაზში მესამე მოწვევის საკრებულოს პირველი სხდომა გაიმართა. სხდომა №64 სენაკის საოლქო საარჩევნო კომისიის თავმჯდომარე მ. ფორცხალავამ გახსნა, რომელმაც სენაკის მუნიციპალიტეტში ადგილობრივი თვითმმართველობის არჩევნების შედეგები შეაჯამა და სიტყვა გადასცა უხუცესს საკრებულოს წევრს ქალბატონ ლიმორა არდიას. სხდომაზე საკრებულოს წევრთა უფლებამოსილების ცნობისა და თანამდებობების პირების არჩევნის პროცედურების უზრუნველყოფის მიზნით შექმნილ იქნა დროებითი სამანდატო და ხმისდაძველები კომისიები, რის შემდეგ ფარული კენჭისყრით, ხმათა უმრავლესობით საკრებულოს თავმჯდომარედ არჩეულ იქნა - კახაბერ რუსია, ხოლო საკრებულოს თავმჯდომარის მოადგილედ - ბადრი კალანდარიშვილი. საკრებულოს წევრებმა ხმათა უმრავლესობით მიიღეს სენაკის მუნიციპალიტეტის საკრებულოს რეგლამენტი, რომლის დამტკიცების შემდეგ ასევე ფარული კენჭისყრით არჩეულ იქნენ საკრებულოს კომისიის თავმჯდომარეები, კერძოდ: სენაკის მუნიციპალიტეტის საკრებულოს სამანდატო, საპროცედურო საკითხთა და ეთიკის კომისიის თავმჯდომარედ-გენადი ხუხუნი, სენაკის მუნიციპალიტეტის საკრებულოს საფინანსო-საბიუჯეტო კომისიის თავმჯდომარედ - დავით ხუხია, სენაკის მუნიციპალიტეტის საკრებულოს ქონების მართვისა და ეკონომიკური საკითხების კომისიის თავმჯდომარედ - ბადრი ხურცია. სენაკის მუნიციპალიტეტის საკრებულოს სივრცით-ტერიტორიული დაგეგმვების და ინფრასტრუქტურის კომისიის თავმჯდომარედ - ლაშა კუჭავა, სენაკის მუნიციპალიტეტის საკრებულოს სოციალურ საკითხთა კომისიის თავმჯდომარედ - ნანა ალანია. ახალი მოწვევის საკრებულო 30 წევრით დაკომპლექტდა, სადაც 15 მაჟორიტარული, ხოლო 15 პროპორციული წესითაა არჩეული. აქედან 18 მანდატი კოალიცია „ქართულ ოცნებას“, 4 მანდატი „ერთიანი ნაციონალური მოძრაობის“, 2 მანდატი „ნინო ბურჯანაძე - ერთიანი ოპოზიციის“, 1 მანდატი „შალვა ნათელაშვილი საქართველოს ლეიბორისტული პარტიის“ და 5 მანდატი საინიციატივო ჯგუფის მიერ წარდგენილ დამოუკიდებელ კანდიდატებს.

### სენაკის მუნიციპალიტეტის საკრებულოში დაეთქმნა 6 თვითმმართველობის წევრთა სია:

1. „ქართული ოცნება-დემოკრატიული საქართველო“-თავმჯდომარე-ჯუმბერ ლაშქარავა.
2. „ქართული ოცნება - რესპუბლიკელები“-თავმჯდომარე - ბესიკი ნარმანია.
3. „ერთიანი ნაციონალური მოძრაობა“- თავმჯდომარე - ბორისი სოსელია.
4. „ქართული ოცნება-თავისუფალი დემოკრატიები“-თავმჯდომარე -ზურაბი აფაქიძე.
5. „ქართული ოცნება - მრეწველები“- თავმჯდომარე - ლიმორა არდია.
6. „ნინო ბურჯანაძე - ერთიანი ოპოზიცია“-თავმჯდომარე - დინარა ხუხუა.

რონა შამადაძე,

სენაკის მუნიციპალიტეტის საკრებულოს საორგანიზაციო განყოფილების მთავარი სპეციალისტი საინფორმაციო უზრუნველყოფის საკითხებში

## კალისტრატე შატრავა-100



2014 წლის 24 ივლისს დაბადებიდან 100 წელი შეუსრულდებოდა ჩვენი ქალაქის გამორჩეულ პიროვნებას, საქართველოს ეროვნული გმირის უიული შატრავას მამას-ბატონ კალისტრატე შატრავას. იგი საკმაოდ ხანდაზმული - 95 წლის ასაკში გარდაიცვალა და თავისი ლამაზი ცხოვრებითა და მოღვაწეობით წარუშლელი კვალი დატოვა სენაკის რაიონის ისტორიაში.

მალაქმოქალაქეობრივ თვითშეგნებაში იყო ბატონი კალეს პიროვნული ხიბლი. მოზომილი, წინდახედული, საქმის ერთგული, მოყვასისადმი დამაშვრალი, კარგი ოჯახის ძლიერი ბურჯი, მჭერმჭეველი, ტევადი და შინაგანად ამბულელებული... ასეთი ახსოვს ბატონი კალისტრატე სენაკს და ასეთივე გაწონასწორებული, მისაბაძი და სულით ხორცადვე ქართველი ემანსოვრება მარად. იგი თანაქალაქელთა მესხიერებაში ყოველთვის დარჩება მოქალაქეობრივი სინდისისა და პატიოსნების სიმბოლოდ.

ბატონმა კალემ ჯანსაღი ცხოვრების წესით იცხოვრა, იმდენად ჯანსაღი ცხოვრების წესით, რომ თაობებს ეყოფათ მაგალითად. ცხოვრების გადასახედიდან მან ქალბატონ ფენიასთან ერთად განვლო ბედნიერებითა და ქართველობით აღსავსე გზა და ცხოვრების ორომტრიალში მრავალჯერ დაამტკიცეს სულის სიძლიერე. ცნობილია წლების მანძილზე უიული შატრავას მშობლები თუ როგორ ტკივილს ატარებდნენ ღირსეულად, ისე ღირსეულად, როგორც შატრავების დიდ ოჯახს შეეფერებოდა. ვაგლახ, რომ მიწიერი საქართველოდან ბატონი უიულის მშობლებმა ვერ წაიღეს ისეთი ამბავი, რომელიც მის სულს გაახარებდა.

გვსურდა ბატონ კალეს დიდი ოჯახის ბურჯად და თავგადაცად ეცოცხლა კიდევ დიდხანს, დიდხანს ევლო ერის საამაყო და სასიხარულოდ, ჩვეული ენერგიით კვლავ ეღვაწა რაიონის სამუხეუმო სფეროში, რათა მომავალი თაობები ეზიარებინა ერის მატერიალური და სულიერი ფასეულობებისათვის. 2009 წლის აპრილის თვეში წავიდა ჩვენგან ბატონი კალე. მან კაცურად იცხოვრა და კაცურად განერიდა წუთისოფელს, უსაზღვრო ტკივილი და მარადიული ხსოვნა გაიყოლია თან. მუხეუმის თანამშრომლები მადლიერებით ვისხენებთ ჭარმაგ ხელმძღვანელთან განვლილ წლებს. სმირად ვივთხოვთ ბატონ კალეს, როგორც ყველა ღირსებით შემკულ პიროვნებას, სამაგალითო ქართველს, დეაწლმოსილ და ამბადარ მოქალაქეს.

ნათელში იყოს სასუფეველში დავანებული, დიდებული ადამიანის, ბატონი კალისტრატე შატრავას უკვდავი სული.

კაცურკაცობისათვის, მოფერებისათვის, ყველაფრისათვის გმადლობთ ერის კაცო-ბატონო კალისტრატე.

უიული შატრავასა და მისივე სახელობის მხარეთმცოდნეობის მუზეუმის თანამშრომლები

## დამსახურებული გამარჯვება

მიმდინარე პოლიტიკურ სიტუაციაში, კერძოდ არჩევნებში ბატონი გონა დგებუაძის გამარჯვებით სენაკელთა უმრავლესობამ ხმა მისცა ღირსეულ პიროვნებას. მის სიტყვასა და საქმეს შორის ყოველთვის შესაბამისობაა, გამორჩეულია ნიჭით, უნარით, საქმით, ამასთან მისი საუკეთესო თვისებაა გულთბილი დამოკიდებულება ადამიანების მიმართ. ბატონი გონას მიმართ თამამად შეიძლება გამოვიყენოთ დიდი ილიას გამოხატულება: „სიდიდე და ღირსება ის არის, ვის როგორ აურჩია საქმე თავის ნიჭსა, ღონესა და მიდრეკილებას, არაფერ შუაშია დიდ და პატარა საქმე. კაცმა იმ საქმეს უნდა მიჰმართოს, რაზედაც გული მიუწევს და უნარი მიუწევს, უმისოდ ყოველი დიდი საქმე მცირდება და მისით კი პატარაც დიდია“.

დმერთმა მისცეს ბატონ გონა დგებუაძეს ჯანმრთელობა და დიდი ხნის სიცოცხლე, ამასთან შესაძლებლობა იღვაწოს სენაკელთა საკეთილდღეოდ.

მ.პაშიბაძე  
მ.ს.შ.შ.ა.  
თ. თოლორაძე



# საქმის ერთგულად და პრეტენზიანად



შრომისა და ცხოვრების დიდი გამოცდილება ამშვენებს გურამ მისიძის ნათელ ბიოგრაფიას. მეორე საშუალო სკოლის წარჩინებით დამთავრების შემდეგ ჩაირიცხა საქართველოს პოლიტექნიკური ინსტიტუტის ენერგეტიკულ ფაკულტეტზე. საიდანაც გადავიდა საქართველოს სუბტროპიკული მეურნეობის ინსტიტუტის მექანიზაციის ფაკულტეტზე. უმაღლესი სასწავლებლის დამთავრების შემდეგ მუშაობდა სხვადასხვა საწარმოებში ზეინკალ-ამწვობად, მთავარ ინჟინერ-მექანიკოსად, საქსოფლტექნიკის ცხაკაიას რაიონული გაერთიანების მთავარ ინჟინრად, საქსახკომსოფლტექნიკის ჩხოროწყუს რაიონული გაერთიანების მმართველად, ცხაკაიას რაიონული აგროსამრეწველო გაერთიანების თავმჯდომარის პირველ მოადგილედ, კომსაკეების ქარხნის დირექტორად, ჩაის კომბინატთან არსებული მცირე საწარმოს დირექტორად, სს „არომატის“ სამეთვალყურეო საბჭოს თავმჯდომარედ, სენაკის ჩაის საწარმოს დირექტორად და სხვა.

ბატონი გურამი ყოველთვის და ყველგან გამოირჩეოდა პრინციპულობით, საქმისადმი პასუხისმგებლური მიდგომით, თანაქალაქელების სიყვარულით. თანამშრომლებს ყოველთვის რიდი ჰქონდათ მისი და პატივს სცემდნენ ხელმძღვანელის პროფესიონალიზმს.

გურამ მისიძეს 10 ივლისს 75 წელი შესრულდა. ამჟამად პენსიაზე მყოფი შვილიშვილებზე ზრუნვაში ათენ-აღამებს. შვილების მათა და ირაკლის კეთილდღეობას და დღევარდღეობას შესთხოვს უფალს. მეუღლესთან ერთად მისიძესთან ერთად უფლის ეზო-კარს, ხეხილს, ყვავილებს. ვულოცავთ ბატონ გურამს 75 წლის შესრულებას, ვუსურვებთ დღევარდღეობას და ხალისიან განწყობილებას. მკითხველს ვთავაზობთ არასტანდარტულ ინტერვიუს იუბილართან

**ბატონო გურამ, თქვენ სხვადასხვა დროს მუშაობდით სხვადასხვა თანამდებობებზე, როგორ ფიქრობთ როგორი ხელმძღვანელი იყავით?**

ფიქრობა ნორმალური, დაკონკრეტებისგან თავს ვიკავებ, რადგან არ მიყვარს საკუთარ თავზე საუბარი.

**რა პარადოქსს გააგებებთ თქვენი ახალგაზრდობისდროინდელ სენაკსა და ახლანდელ სენაკს შორის.**

რაც მთავარია ჩემს ახალგაზრდობაში განსაკუთრებით იყო ურთიერთშორის პატივისცემის, სითბოსა და სიყვარულის გრძნობა, უფროსებისადმი რიდისა და მოკრძალების თვისება, იყო კულტურა, სეირნობისა და გართობის სხვადასხვა საშუალებები. ძალიან დიდი სურვილი მაქვს დღევანდელ ნიჭიერ ახალგაზრდობას მიეცეს ნორმალური დასაქმების და გართობის შესაძლებლობა.

**რა არის საჭირო იმისათვის, რომ ჩვენმა ქალაქმა „ძველი დიდება“ დაიბრუნოს?**

ქალაქისათვის ძველი დიდების დაბრუნება სრულად ვერ იქნება შესაძლებელი, ჩემი აზრით საჭიროა ხელისუფლების მხრიდან მეტი მზრუნველობისა და ყურადღების მიქცევა ხალხისადმი.

**დაგვისახელეთ ყველაზე მნიშვნელოვანი და ღირსსახსოვარი პერიოდი ცხოვრებაში.**

ყველაზე ღირსსახსოვარი პერიოდი იყო ოჯახის შექმნა და შვილების მოვლა ან ქვეყანაზე.

**ბატონო გურამ, რას ანიჭებთ შვილების აღზრდაში პრიორიტეტს.**

ბავშვობიდან შვილის შრომაზე მიხვევას, რა თქმა უნდა დაუძაბავს და ადეკვატურს. მზრუნველობის ზომიერებას, მშობლების მხრიდან ქცევების, სამაგალითო ცხოვრების წესების დაცვას.

**რომელ თვისებას აფასებთ ადამიანში?**

თავმდაბლობას, კაცთმოყვარეობას და მხოლოდ და მხოლოდ სიკეთის თესვას.

**გიყვართ თუ არა იუბილეებისა და დაბადების დღეების აღნიშვნა?**

მიყვარს, მხოლოდ ზედმეტი პომპეზურობის და ორგეების გარეშე.

**ბატონო გურამ, რას კითხულობთ მოცალოების ჟამს?**

განსაკუთრებით მიყვარს დიდი ადამიანების ბიოგრაფიებისა და დეტაქტივების კითხვა.

გმადლობთ საინტერესო საუბრისათვის, კიდევ ერთხელ გილოცავთ 75 წლის შესრულებას და გისურვებთ ყოველივე საუკეთესოს.

მსაუბრა მ. შაიბია

# ქართული ცეკვა - ერთგული სულის ზეიმია

სად, თუ არა ქართულ ცეკვაში მუდამდებულად ქალღმად ყოველი გუნის, ვაჟკაცური აღმადფრენა ქართული სულისა! ქართული ცეკვა ერთგული სულის ზეიმის ზეიმია, იგია საუნჯე უღვევლი, რომელიც აოცებს მსოფლიოს. 5 ივლისს, ტრადიციულად, როგორც ყოველ წელიწადს, უღამაზესი საღამო გეგანუქათა თაგისი ხელწერით გამორჩეულმა ქორეოგრაფმა ზვიად გვასალიამ, რომელმაც 15 წელია ნიჭიერების, დახვეწილობის ზეიმად აქცია თაგისი ფეიერვერკული მშვენიერების საღამოები.



მას შემდეგ 16 წელია განვლო, ზვიად გვასალიას, შემოქმედებითი წიგნი, დიდი რუღუნებისა და სხივოსანი იდეების შედეგად შეიქმნა ქორეოგრაფიული ანსამბლი „კუჩხი ბედინერი“. 16 წელია, ერთხელ ძლიერად გაჭრილი კალაპოტში ძალუძემდ ჩქეფს და დიდხანს იჩქეფებს სიყვარულის, ნიჭიერებისა და ცეცხლოვანი ცეკვების წყალუხვი მდინარე, ასე, რომ გვარწყულებს სენაკელებს.

ზვიად გვასალიამ საკუთარი ხელწერა დაიძვედრა სცენაზე... მისი მაქსიმალური, მკაცრი დისციპლინა, გემოვნება, მოზარდში ნიჭიერების აღმოჩენის, გაღვივებისა და გაბრწყინების უნარი სასწაულს ახდენს და

კოლხურ-ლაზური ფოლკლორული ცეკვისა და სიმღერის კონკურსზე „ლაზიკა 2014“ ანსამბლს მეორე ადგილი ხვდა წილად და მინიჭდა ლაურეატის წოდება.

სენაკის ქორეოგრაფთა კავშირის თავმჯდომარეს, სახალხო ქორეოგრაფიულ ანსამბლ „კუჩხი ბედინერი“ ქორეოგრაფს ზვიად გვასალიას გადაეცა საპატიო დიპლომი კოლხურ-ლაზური ფოლკლორის საუკეთესოდ წარმოდგენისათვის. ფესტივალ-კონკურსის უიურის თავმჯდომარე გახლდათ საქართველოს სახალხო არტისტი, სახელმწიფო პრემიის ლაურეატი ფრიდონ სულაბერიძე.

საქართველოს ბავშვთა ქორეოგრაფიული ხელოვნების ფესტივალ-კონკურსების ორგანიზაცია „იმეღის“ მიერ ურეკში გამართულ ილიკო სუხიშვილის სახელობის პრიზზე ქართული ხალხური ცეკვის ფესტივალ-კონკურსზე ანსამბლის მოცეკვავეებს გადაეცათ საპატიო სიგელები.



სახალხო ქორეოგრაფიულ ანსამბლ „კუჩხი ბედინერის“ გრანდიოზულ სოლო-კონცერტზე ერთმანეთს ენაცვლებოდნენ ცეცხლოვანი ცეკვები, აბაშის ფოლკლორულ ანსამბლ „ჰარიონას“ მიერ შესრულებული სიმღერები.

ისრაელიდან და ქ. მოსკოვიდან საგანგებოდ კონცერტისათვის ჩამოსული სტუმრების, ქორეოგრაფიული ანსამბლ „სორა იერუსალიმის“ (ქორეოგრაფი და სამხატვრო ხელმძღვანელი ჰავიტ ზარგარი) და ბავშვთა სანიმუშო ქორეოგრაფიული ანსამბლ „ხალორინკა“ (სამხატვრო ხელმძღვანელი დინა კახანცევა) მიერ შესრულებულმა ქორეოგრაფიულმა ნომრებმა მაყურებლის ოცნა დაიმსახურა.

ივლისის 5... ფესტივალებისა და კონკურსების მრავალგზის ლაურეატი, ბავშვთა სახალხო ქორეოგრაფიულ ანსამბლ „კუჩხი ბედინერის“ სოლო-კონცერტი გახლდათ ქართული ხალხური ცეკვების, ეროვნული სულის ზეიმის ზეიმი, დღე სასწაული, რომელიც დიდხანს გაჰყვებათ სენაკელებს, დღე, რომელმაც კიდევ ერთხელ დასტურდა, რომ სახალხო ქორეოგრაფიულმა ანსამბლმა „კუჩხი ბედინერი“ ღირსეულად დაიმკვიდრა რჩეულთა შორის რჩეული სახელი.

ფესტივალური და ახალი გამარჯვებების



ვლებია ჩვენს წინ, სახალხო ქორეოგრაფიულ ანსამბლ „კუჩხი ბედინერი“ იბადებიან ახალი ტალანტები, ფრთები ესხმება ოცნებებს...

5 ივლისი... ეს არ იყო შაბლონური, ბანალური სოლო-კონცერტი, ის წრფელი გულის, სუფთა ხელებით, დახვეწილი გემოვნებით მოტანილი ჰქმნა იტი სიყვარული, სულის სინათლე, როკით განფენილი უძველესი ფოლკლორის აღზევების ზეიმი გახლდათ.

როგორც გასული წლები, წლებანდელიც წარმატებული აღმოჩნდა ანსამბლისათვის.

5 აპრილს საქართველოს ქორეოგრაფიის მოღვაწეთა შემოქმედებითი კავშირის პატრონაჟითა და საქართველოს კულტურისა და ძეგლთა დაცვის სამინისტროს მხარდაჭერით ქ. თბილისის ფილარმონიის დიდ საკონცერტო დარბაზში გამართულ საქართველოს სახალხო არტისტის, საუკუნის მოცეკვავის ფრიდონ სულაბერიძისადმი მიძღვნილ ქორეოგრაფიულ ფესტივალზე ანსამბლი „კუჩხი ბედინერი“ ღირსეულად წარსდგა მაყურებლის წინაშე და დასახსურებულად მოიპოვა ლაურეატის წოდება.

ქალაქ ფოთის თვითმმართველობისა და ჯანო ბაგრატიონის სახელობის ქორეოგრაფიული სტუდია „ლაზიკა 1997“-ის ორგანიზებით გამართულ ტრადიციულ ქცეულ



დასაბამი ყოფილიყოს ანსამბლისათვის ყოველი აღიარება და წარმატება...

თ. ბრიგოლია, მ. ბაღათურიანი



### ანსამბლი „მეგა“ სოლო კონცერტით სენაკელთა წინაშე



2014 წლის 8 ივლისს, აკაკი ხორავას სახელობის სენაკის სახელმწიფო დრამატულ თეატრში ჩატარდა სენაკის ბავშვთა სახალხო ქორეოგრაფიული ანსამბლ „მეგას“ სოლო კონცერტი.

ანსამბლს ხელმძღვანელობენ არტისტიზმითა და პროფესიონალიზმით გამორჩეული ქორეოგრაფები: მამუკა მესხიშვილი და ვეკატერინე გაბრაყა.

სოლო კონცერტმა კიდევ ერთი გამარჯვება მოუპოვა ანსამბლს. მაღალი კულტურითა და გემოვნებით შესრულებული ცეკვები იყო სინთეზი წმინდა საცეკვაო ელემენტებისა ქართულ კულტურასთან, მის ადათ-წესებთან.

ქართული ცეკვა და სიმღერა გენეტიკურ კოდს მოჰყვება ეროვნულ ცნობიერებას. ეს შეუფასებელი განძი ყოველი ჩვენთაგანის სულიერების თანმხლებია. კონცერტს განსაკუთრებულ ელფერს ჰმატებდა სტუმრად მოწვეული აჭარის ხელოვნების სკოლის ხალხურ საკრავთა ჯგუფის მომღერლებისა და კულტურის ცენტრის თანამშრომლების შემოქმედება.

კონცერტის ფინალმა დიდი ოვაციები გამოიწვია. ქორეოგრაფების: მამუკა მესხიშვილისა და ვეკატერინე გაბრაყას მიერ შესრულებული ქართული ცეკვა იყო უღამაზესი სანახაობა, მომგვრელი ეროვნული სიამაყისა და იმ დიდი სიხარულისა, ქართველად დაბადება რომ ჰქვია. მათი მეგობრის - ტატო მესხიშვილის სცენაზე უცვარმა გამოჩენამ დარბაზში საოცარი ეფექტი მოახდინა. ეს უღამაზესი სადამოდიხანს შემორჩება მაყურებლის მეხსიერებას.

### ნოქალაქეში 40 სებასტიელი მოწამის სათლავების მოსაძებნად გათხრებს დაიწყებენ

ნოქალაქეში 40 სებასტიელი მოწამის საფლავების მოსაძებნად გათხრებს კულტურული მემკვიდრეობის სააგენტო უახლოეს დღეებში დაიწყებს.

40 სებასტიელი წმინდანის საფლავი ამ დრომდე უცნობია. თუმცა არქეოლოგების და მკვლევარების ნაწილი მიიჩნევენ, რომ ისინი შესაძლოა სენაკში, სოფელ ნოქალაქეში, მათივე სახელობის მეექვსე საუკუნის ტაძრის სამხრეთ ნაწილში იყვნენ დაკრძალული. კულტურული მემკვიდრეობის დაცვის სააგენტო არქეოლოგიურ სამუშაოებს ტაძრის სამხრეთ ნაწილზე უახლოეს დღეებში დაიწყებს.

კულტურული მემკვიდრეობის დაცვის სააგენტოს დირექტორის მოადგილის დავით ლომიტაშვილის განმარტებით, მათ უწყებას კვლევას ჩასატარებლად სენაკისა და ჩხოროწყის მიტროპოლიტმა შიომ შიმარტა.

სწორედ მეუფე შიოს მიერ მოკვლეული სხვადასხვა ისტორიული მასალების თანახმად, ნოქალაქეში არიან დაკრძალული მოწამეები. მეუფის განმარტებით, მოწამეთა საფლავების ტაძარში არსებობაზე რუსი ეგზარქოსები და გურიის ეპისკოპოსი წერდნენ.

გადმოცემის თანახმად, 40 სებასტიელი მოწამე კაბადოკიელი მეომრები იყვნენ და ისინი მეოთხე საუკუნეში სებასტიაში წარმართმა იმპერატორმა აწამა.

### „არტ-გენის“ ფესტივალზე



მიმდინარე წლის 20 ივლისს თბილისში, გ. ჩიტაიას სახელობის ქართული ხუროთმოძღვრების სახელმწიფო მუზეუმში, გაიმართა ქართული ტრადიციული და თანამედროვე ხელოვნების საერთაშორისო ფესტივალი „არტ-გენი“. რომელიც უკვე 11 წელია ემსახურება ტრადიციული და თანამედროვე კულტურული ფასეულობების პოპულარიზაციას ქვეყანაში და მის ფარგლებს გარეთ.

საქართველოს თითქმის ყველა კუთხიდან წარდგნენ ფესტივალზე ფოლკლორული ანსამბლები. გასულ წლებთან შედარებით სენაკის მუნიციპალიტეტი გაცილებით მეტი ანსამბლებითა და მრავალრიცხოვანი პროგრამით იყო მიწვეული ფესტივალზე. „არტ-გენს“ სტუმრობდნენ: სენაკის კულტურის ცენტრთან არსებული ფოლკლორული ანსამბლები: „ეგრისი“ და „კოლხური ტრიო“, სენაკის მოსწავლე-ახალგაზრდობის ცენტრთან არსებული ქორეოგრაფიული ანსამბლი „კოლხი“, სენაკის სამუსიკო სკოლასთან არსებული ბავშვთა ფოლკლორული ანსამბლი „მორდუ“, ფოლკლორული ანსამბლები: „გოგალაი“ და „კოლხიდა“.

ფესტივალის ორგანიზატორების გადაწყვეტილებით, ანსამბლები: „კოლხური ტრიო“, „გოგალაი“ და „მორდუ“ მიწვეულნი არიან გალა კონცერტზე, რომელიც გაიმართება 27 ივლისს.

გამამოზის საზოგადოებასთან ურთიერთობის და ინფორმაციული უზრუნველყოფის სამსახური

### კატასტროფის რისკის შემცირების პრევენციის წარმომადგენლობი სენაკში

10 ივლისს სენაკის მუნიციპალიტეტს ეწვივნენ ASB ჯგუფის კატასტროფის რისკის შემცირების პროექტის წარმომადგენლები. მათ, მუნიციპალიტეტის გამგებლის მოვალეობის შემსრულებელ თენგიზ ლომიასთან, მუნიციპალიტეტის გამგებლის მოადგილის მოვალეობის შემსრულებელ ნატო ფულარიასთან და შესაბამისი სამსახურებისა და სტრუქტურის წარმომადგენლებთან ერთად იმსჯელეს კატასტროფის რისკის შემცირების პროექტის განხორციელების აუცილებლობაზე, რომლის ფარგლებშიც ამ ეტაპზე დაგეგმილია ტრენინგების ჩატარება მუნიციპალიტეტში არსებული სკოლაში აღზრდის დაწესებულებების თანამშრომლებისათვის. ამასთან, ყველა საბავშვო ბაღს საჩუქრად გადაეცემა ცეცხლსაქრობი სტენდი. პროექტი სასწავლო წლის დაწყებისთანავე ამოქმედდება.



### უნიკალურ ატმოსფეროში მასალებთან

22 ივლისს საქართველოს კულტურული მემკვიდრეობის დაცვის ეროვნული სააგენტოს გენერალური დირექტორის მოადგილე დავით ლომიტაშვილთან და ნოქალაქეის ქართულ-ბრიტანული საერთაშორისო არქეოლოგიური ექსპედიციის ხელმძღვანელ ნიკოლოზ მურდუღიასთან ერთად სენაკის მუნიციპალიტეტის გამგებელმა გონა დგებუაძემ დაათვალიერა ექსპედიციის მიერ მოპოვებული უნიკალური მასალები და დაესწრო მათი გასუფთავების პროცესს, რომელშიც მონაწილეობა მიიღეს ინგლისური ენის შემსწავლელი საზაფხულო სკოლის მოსწავლეებმა. აღსანიშნავია, რომ მუნიციპალიტეტის გამგებლისა და საერთაშორისო არქეოლოგიური ექსპედიციის ერთობლივი პროექტის: „ჩვენ ვსწავლობთ ინგლისურს“, რომელიც უკვე მერ წელია ხორციელდება, მორიგი სეზონი 23 ივლისს დასრულდა. სკოლის მუშაობის შინაარსობრივად დატვირთული დღეების ერთ-ერთი სუბმენტი სწორედ ექსპედიციის კვლევით სამუშაოებთან მიახლება და მასში ჩართულობაც იყო.



### გზა სკოლისაკენ....



ზაფხულის ისედაც მცხუნვარე მზის სხივები სიხარულს მატებდა მოზაიკაში დამამთავრებელი ჯგუფის ბავშვთა გაცისკროვნებულ სახეებს.

აბა! რა შეედრება ბუნების ამ უმშვენიერეს არსებათა ხილვას, როცა ისინი ზეიმობენ.

და იყო ასეთი სიხარული ქალაქ სენაკის № 3 ბავშვთა ბაღში (გამგე მადონა კუჭავა).

საზეიმოდ მორთული იყო დარბაზი, მოზაიკა ბავშვთა სიხარული გადასდებოდა ოთახში გამოფენილ უსულო საგნებსაც და პანგების რხევებთან ერთად ისინიც ირწოდნენ და ცეკვავდნენ.

სიხარულით სახეგაბრწყინებულ ბავშვებს დიდი სიყვარულით თავს დაჰყოფინებდა მასწავლებელი აზა გეგია-ჯაიანი.

ამ სიმღერა-ცეკვა პრიაშულში ჩართული პატარები დღეს ემშვიდობებოდნენ ტკბილად მოსაგონარ



ადმრდელ მასწავლებლებს და მეგობრებს. გზა მშვიდობისას უსურვებს პატარებს მუსიკის პანგებიც. დღეს ყველა ერთად არიან, ხვალ, ვინ იცის ვინ რომელ სასწავლებელს მიაშურებს.

წინ არდადეგებია! ოპ, რამდენს ითამაშებენ ჩვენი პატარები!

მაგრამ არა, მათ წინ გასაყვანი აქვთ სწავლის გზა და ამისათვის ვის რამდენადაც შეუძლია იმდენად მოეშადოს უნდა.

მართალია მათ უყვართ სიმღერა, ცეკვა, უყვართ ლექსები, ხატვა და ვინ იცის კიდევ რისი სიყვარული აღმოჩნდებათ. გაივლის წლები და შემდეგ ჩვენს ქვეყანას უპატაკებენ კიდევ რის გაკეთებასაც შესძლებენ.

გზა მშვიდობისა ჩვენო პატარები! წარმატებას გისურვებენ სიყვარულით მასწავლებლები და მეც დაგილოცავენ გზას სკოლისაკენ ჩვენი მომავალი იმედებო.

თქვენ კი საყვარელო მასწავლებლებო, კიდევ მრავალი თაობისათვის დაგელოცეთ გზა სკოლისაკენ.

მერი გვასალია





„ბევრი მხარე მოვიარე-ასე იწყებს ამბავს მთვარე, მაგრამ საქართველოსთან არ მინახავს არსად მხარე“-ამ განწყობით გათენდა სენაკში 2014 წლის 5 ივნისი, მართლაც მშვენიერი ზაფხულის დილა, როცა სენაკის საგანმანათლებლო რესურსცენტრის თანამშრომლებმა (უფროსი მანანა გრიგოლავა) და მუნიციპალიტეტის სკოლათა დირექტორებმა და ფინანსისტებმა გზა კახეთისაკენ ავიღეთ. გზად იყო ზაფხულის კახეთის ზღაპრული ფერების საოცარი მონაცვლეობა, შთამბეჭდავი ლანდშაფტური მრავალფეროვნება, ივრის ველი, შუა საუკუნეების ტრადიციებისა და თანამედროვეობის

შერწყმა სილნაღში, ბოდბის მიწაზე ქართველთა განმანათლებლის წმინდა ნინოს ნაფხურების და მისი სავანის საოცარი მადლი.

ისტორიულ-არქიტექტურული ძეგლებიდან მართლაც დიდ შთაბეჭდილებას ტოვებს არა მარტო ქართველებში, არამედ ნებისმიერ უცხოელ ტურისტზეცაა ატყორცნილი ალავერდი, ძველი და ახალი შუამთა, ნეკრესი და გრემი.

საოცარია კახეთის ფლორა და ფაუნა, გორაკ-ბორცვები, ხეობები და ნაკრძალები, წიწვოვანი ტყეები და ბალნეო-სანატორიები, განსაკუთრებულად იზიდავს დამთვალიერებელს თანამედროვე ინფრასტრუქტურულ დონეზე მოწყობილი ლოპოტას და ალიას ტბები.

და მაინც საქართველოს რომელ კუთხეშიც არ უნდა ვიმოგზაუროთ, სამშობლოს რომელ მხარესაც არ უნდა მოვეფეროთ, ჩვენი აფხაზეთის ქართველების ფიქრი და გონება, მუდამ მშობლიურ აფხაზეთს დასტრიალებს, მოლივლივე ზღვას, მარად ხასხასა, განუმეორებელ ფერებს, იქაურ ეგზოტიკურ სანახაობას. უკვე ორი ათეული წელიწადია, ზოგიერთი ჩვენთაგანი რაც აფხაზეთის გაუწყნებელ ტკივილს, მონატრებას, ოცნებად ქცეულ დაბრუნებას და ნოსტალგი-

ას საქართველოს სხვადასხვა კუთხეში მოგზაურობით ვიქარვებით.

ჩვენს ამ შთამბეჭდავ ორდღიან მოგზაურობაზე, კვებაზე და სასტუმროზე იზრუნა „ლიბერთი ბანკის“ სენაკის ფილიალმა (მმართველი-თეიმურაზ ლო-




მია), რისთვისაც მას უდიდეს მადლობას ვუხდით. ვუსურვებთ „ლიბერთი ბანკს“ და მის ხელმძღვანელს წარმატებებს, გაფართოებას და საინტერესო მოლოდინებს.

**ბია ხურცილავა**  
სსიპ სოფელ ლეპაქამს  
საჯარო სკოლის დირექტორი

მუნიციპალიტეტის ამბები

გივიმ გუნდი დამატრეხვას გადაატრინა



ფეხბურთში მსოფლიო ჩემპიონატის დამთავრებისთანავე დაიწყო მსოფლიო ჩემპიონატი ბავშვებში შედეგების ქალაქ გეტებორგში. ტურნირი წელს მეორმოცედ ტარდება და სახელად ასე ჰქვია: გოტია ქაფი (ანუ გეტებორგის თასი) - ახალგაზრდული მსოფლიო ჩემპიონატი. ამ უდიდეს ღონისძიებაზე მსოფლიოს 80 ქვეყნიდან 1 700 გუნდი იყო წარმოდგენილი. მეთვრამეტე მონაწილეობს მასში საქართველოს უნგერსიტეტი, რომელიც ტრადიციულად ვაკე-91 სახელით გამოდის, რადგან 1997 წელს სწორედ კოტე დოლიძის დაარსებულმა ვაკემ გააკვალა პირველად გზა სკანდინავიისკენ.

წელს ქართველები 4 გუნდით წარსდგნენ ტურნირზე (1998 წელს დაბადებულთა -2 გუნდი, 2001 და 2003 წელს დაბადებულ ბავშვთა გუნდები). სახეიმო გახსნა გაიმართა 42 ათასიან სტადიონ „იმ ულფვიზე“.

ჩემპიონატის დასაწყისში ქართველებმა ასეთი შედეგები უჩვენეს: 1998 წლიანების პირველი გუნდი (მწვრთნელი - ზაზა დიდუბაშვილი) პირველ მატჩში შვედურ სტრიკერთან 0-1 დამარცხდა, მერე კი შვედურ სპარვანგერს შეხვდნენ. თამაში საინტერესო და დაძაბული გამოდგა. ჯერ ტატო დულუნიშვილმა შორეული დარტყმით წინ გაიყვანა ჩვენი გუნდი, შემდეგ კი სენაკელი გივი გვასალიას მიერ მოწოდებული ბრწყინვალე საგოლე პასი კარვად გამოიყენა საბა ლომიძემ და ორამდე გაზარდა ანგარიში. მალე შედეგებმა ანგარიში გაათანაბრეს,



თამაშის დამთავრებამდე 15 წუთით ადრე კი ჩვენი გუნდის მეკარე გააძევეს მოედნიდან და ჩვენს კარში პენალტი დაინიშნა რომელიც გივი გვასალიამ მოიგერია და გუნდი აშკარა დამარცხებას გააატრინა.

მეორე გუნდმა (მწვრთნელი ბასილ გუგუნია) მაღალიხის იუს სოკერს 2-0 სძლია. 2001-იანებმა 2-3 წააგეს შვედურ გრეისთან შემდეგი მატჩი დათმეს შედეგის ადიტთან. 2003 წლიანებმა შვედურ ასურიკასთან 1-1 თამაშეს, მერე კი ზაზა თაფლაძის ერთადერთი გოლით შვედურ ალფსბორგს სძლიეს.

ვუსურვებთ საქართველოს ოთხივე გუნდს წარმატებებს, ხოლო ჩვენი მუნიციპალიტეტის მკვიდრს, პერსპექტიულ ახალგაზრდას გივი გვასალიას მისცემოდეს შესაძლებლობა ბევრჯერ ესახელებინოს საკუთარი თავი და მშობლიური სენაკი.

მაია გერბაია

მ ა დ რ თ მ ა

ამას წინათ ტრადიციულად დაგვატყდა თავს. 49 წლის ასაკში, მოსკოვში, გულის შეტევით გარდაიცვალა მალხაზ შოთას ძე კულუა, რომელიც იქ სამუშაოს საძიებლად იყო წასული. ოჯახს არანაირი საშუალება არ გააჩნდა ჩამოსვენებასთან დაკავშირებული ხარჯების გასაწევად. არადა დრო არ ითმენდა. სასოწარკვეთილებაში ჩავარდნილებს მსხნელად მოგვევლინა ბატონი დემურ გადელია, რომლის ფინანსური შემწევობითაც შეეძლო მშობლიური მიწისათვის მიგვებარებინა გარდაცვლილი.

დემეტო, ჯანის სიმრთელეს, დღეგრძელობას, სიხარულს და ბარაქას ნუ მოაკლებ ამ შესანიშნავ ადამიანს, რომელსაც სხვისი სატკივარის გათავისება გაუხდია თავის სულიერ საზრდოდ.

დემეტო, უმრავლეს ქვეყანს ასეთი ადამიანები.

მალხაზ კულუას ოჯახი

„საინფორმაციო ცენტრის“ თანამშრომლები სამიძმარს უცხადებენ დარეჯან ფანულიას

დედის

გარდაცვალების გამო

„საინფორმაციო ცენტრის“ თანამშრომლები სამიძმარს უცხადებენ დარეჯან, ვახტანგ და იგორ შურლაიებს

დედის

გარდაცვალების გამო

„საინფორმაციო ცენტრისა“ და გაზეთ „კოლხეთის“ თანამშრომლები თანაუგრძნობენ ემზარ კელასონიას

დედის

გარდაცვალების გამო

<p>სარედაქციო კოლეგია მთავარი რედაქტორი ნინო სარტანიანი რედაქტორი მამია პაპათაძე მენეჯერი ივლიანა ჩხამანია კორესპონდენტი მაია გერბაია ეკონომიკური სამსახურის სპეციალისტი შუშანიკა ჩაჩიბაია</p>	<p>რედაქციის მისამართი: სენაკი, ჭავჭავაძის ქ. № 103 ტელ: 276150 რედაქცია ხელმძღვანელობს თავისუფალი პრესის პრინციპით, არ გამოხატავს პოლიტიკური და საზოგადოებრივი ორგანიზაციის ინტერესებს. ინდექსი 66529</p>	<p>რეგისტრირებულია სენაკის სასამართლოში რეგისტრაციის № 56/7-17 გაზეთი კომპიუტერზე მომზადდა და ოფსეტური წესით დაბეჭდა ქ. ფოთში შპს „ირიდა“-ს სტამბაში ქ-ფოთი წმინდის №4 ტელ: 5 (493) 22 24 33</p>
--	--	--